



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六七八

所性軒遺稿不分卷 姚步瀛撰

一

有恒心齋集三十六卷（前集一卷文集十一卷詩集七卷駢體文六卷

外集二卷雞澤脞錄一卷迎靄筆記二卷先德記二卷先德附記一卷

詩餘二卷詞餘一卷）程鴻詔撰

一二七

范湖草堂遺稿六卷 周閑撰

五三三

望雲館文詩稿二卷 章鋆撰

六一七

許松濱先生詩集二卷許松濱先生文集二卷 許錫祺撰

六六一

適齋詩集四卷附年譜一卷 崇實撰

七〇三

安民莫先於察吏策

國之本在民。民之命在吏。吏得其人。則民安。而國治。失其人。則民困。而國危。故曰。長吏之賢否。蒼生之禍福。應焉。國家之興廢。關焉。不可不慎也。然天下之長吏。不能皆賢。而亦非盡不肖。所恃以爲轉移。而督率之者。則有察吏之典。在。蓋科條既定。則朝廷據爲最。最郡縣遵爲考成。其在賢者。旣以卓異超遷。而益思自奮。卽中材以下。亦知兢兢自愛。愛民而不敢顯干國憲。以遂其私。故曰。治國之道。莫先於安民。安民之術。莫先於察吏。唐虞之世。風氣初

所性軒遺稿

卷之三

開人心。渾穆加以堯舜爲君。皋禹爲臣。一時九官十二牧。莫不皆賢。故察吏之典。不立條目。而明試以功。車服以庸。詢事考言。侯明捷記。大約不過如是。當時十六相四凶。卽在三載考績。三考黜陟之中。遂以臻時雍之化。嗚呼。盛矣。成周之制。日要月會。歲成較唐虞爲加密。然六計黜吏。本於一廉。廉者。萬善之所從出。而貪者。萬惡之所從生。吏而不廉。雖曰善。曰能。曰敏。曰正。曰法。曰辨。均無濟也。千古考課之法。無逾於此。漢承秦制。郡各置守。秩二千石。轄地方千里。生殺予奪。威柄自專。賢而材者。固得以大行其志。而

所性軒遺稿

所性軒遺稿

卷之三

陰鷲險酷之輩。亦或以擊斷爲能。附勢營私之徒。又多以貪狗敗職。故漢以六條察吏。其意專主於戢暴。蓋若強宗豪右。田宅踰制。以強凌弱。以衆暴寡。此類不戢。善良奚安。惟察之愈嚴。責之愈重。故漢宣帝詔曰。與我共天下者。其惟良二千石乎。而千古吏治。以漢爲最。此道得也。唐自天寶以後。方鎮之禍。遍於海內。民不聊生。貞觀吏治。掃地以盡。德宗朝。陸贄爲相。加意整刷。以入計聽吏治。補偏救弊。條理綜密。猶不失成周課吏遺意。誠救時之良相也。宋紹興中。以七事考轉運提舉等官。以九事考縣令。大約南渡

規卽愈巧條例愈密而奸僞愈滋其在實心愛民之吏反或不善趨避致貽罣誤之愆吏治幾何而不壞民生幾何而不蹙也試嘗譬之國者人之一身也民者一身之元氣也吏者醫之扶元氣以固一身者也考課之典則又前人之醫方醫所憑以醫人者也今之爲醫者既無一念慈良惻怛之心而又假方術以售其不精之術偷取一時之重利人雖羸瘠骨立命在須臾仍復不診視其虛實而一以攻伐之劑投之雖欲不死不可得矣晚近吏治大率若此我

所任幹道稿

三 年國書局

國家深仁厚澤軫念黎元察吏之方邁於前古此斯民所以共登於衽席而海宇長固於苞桑也歟

曉諭城內居民示

爲曉諭城內居民事照得縣內實根本之地城中卽首善之區觀化之所最先風氣之所從出聲明文物鄉里奉爲楷模禮樂冠裳擗紳於茲會集此有斯土者所當先頌文誥而早樹風聲者也蓋世家巨族半住城廂華屋朱門多星市非子弟既不耕而食婦女更不織而衣游惰成風驕奢競俗飲膏粱而飽魚肉圖珠翠以飾銀鈿惡少成羣遊花街柳巷淫朋滿座呼酒肆茶樓或擲白以呼鷹或鬪雞而起狗生辰慶賀則珠履盈庭宴客留連則笙歌達旦縱有安貧之士無不笑其寒酸偶逢守禮之家居然斥其固陋遂至貪賂貴賈假壯門封只管擲東掩西虛存體面一朝敗露四壁蕭條托鉢無門立錫罕地或包娼而窩賭玷厥家聲或撈摸而穿窬辱其宗祖公卿之後降爲皂隸冠帶之族化爲引銀或勾串吏胥或把持官府或包攬詞訟或哄騙鄉愚或行乞市廛或棲身烟館廉耻掃地禮義全無本縣下車伊始志在成俗化民念爾等住居城內無田可耕無業可執輕蹈惡習易染頑風故不惜割切申詳再三勸諭指示自新之路大開遷善之門爾父兄約束

所任幹道稿

三 年國書局

且縱有安貧之士無不笑其寒酸偶逢守禮之家居然斥其固陋遂至貪賂貴賈假壯門封只管擲東掩西虛存體面一朝敗露四壁蕭條托鉢無門立錫罕地或包娼而窩賭玷厥家聲或撈摸而穿窬辱其宗祖公卿之後降爲皂隸冠帶之族化爲引銀或勾串吏胥或把持官府或包攬詞訟或哄騙鄉愚或行乞市廛或棲身烟館廉耻掃地禮義全無本縣下車伊始志在成俗化民念爾等住居城內無田可耕無業可執輕蹈惡習易染頑風故不惜割切申詳再三勸諭指示自新之路大開遷善之門爾父兄約束

宜巖爾子弟率循當謹鮮衣美食毋稍恣其奢華匪友燕朋無輕入其黨類至於讀書明理之士尤當潔身自愛異法小心既絕迹乎公門益取重乎官府名教可樂古處同敦居然鄉魯之邦全無市井之氣四鄰奉爲圭臬長吏與有榮施爾居民亦何憚而不從也特示

諭辦差衙役帖稿

諭辦差衙役知悉照得本縣刻期到任理宜預備公館所帶家丁不能零星安歇碍難稽查爾等須亟擇寬敞間房屈躬打掃潔淨務要門牆周匝慎固關防一切所需器具倉猝不能盡帶相應設法借辦但須粗樸不求華美各存暗記登簿上號以便用過繳還不許遺失公館內冊許張燈掛綵多費油燭鋪陳供帳概行屏絕本縣出身寒士素安節儉不忍恣一時之奢靡腹萬民之膏血爾等宜亦曲體本縣愛民之心毋得苛派行鋪藉端騷擾自取咎戾除

一面示諭各色行鋪外爲此先着家丁持諭前來剴切申飭各宜凜遵毋違特諭

諭各色行舖告示

爲曉諭行舖事照得本縣刻期到任先飭辦差公役預備公館一所目前應用粗重器具暫時設法借貸各存記號以便用過繳還毋得遺失公館內不用張燈掛絲多費油燭鋪陳供帳概行屏絕不得擅派行戶進署後一切日用所需照價平買給發現錢署內家丁一體遵照毋違除嚴飭辦差公役毋許藉端騷擾外爲此示諭闔城行舖知悉爾等攜貨遠來蠅頭取利所獲幾何本縣出身寒士儉樸性成何忍縱一時口腹之慾沾爾等之便宜飾眼前耳目

所性軒遺稿

全圖書屋

之觀虧爾等之利息清夜自思爲民父母之謂何既大非朝廷設官之意亦重負

上憲委任之心耿耿寸衷殊難自釋自示之後爾等但須公平買賣倘有辦差人役藉端擾害許爾等指名喊稟立即究不貸斷不稍存瞻徇使貽害我商民也各宜凜遵毋違特示

告諭城內行舖示

照得縣城之內必有行舖商賈所藉以懋遷有無而阜通貨賄也夫商賈與居民異居民田廬墳墓占籍於茲聚族而居永不遷徙故貧富相關有無相卹盜賊相救疾病相扶其類合其情通也商賈則攜貲遠來五方借處去留無定人暫不常智愚相欺貧富相阨有無相耀彼此相傾其親合其神離也故惡之者指而斥之曰市儈又曰市井習氣誠以業在其中則骨肉之間維利是視或公私貿易而價有低昂或內外通商而貨分真偽或私行假票而哄騙

所性軒遺稿

全圖書屋

鄉愚或販買砂錢而貪圖重息或勾通市霸而凌壓同行或交結奸胥而混充保歇或權衡錯雜而輕重不平或斗斛參差而進出互易或私售賭具而窩賭營生或潛匿盜賊而分贓做活或重債取息而拖累窮民或小押私開而欺凌貧漢或假設烟館而交接奸邪或暗開土窖而迷弄惡少此舖家之積弊也至於行戶則多係劣紳地棍詭名朋充空屋數間招牌幾塊領來部帖卽是本錢堆滿閒房據爲己物價造憑空樓閣何須實在貲財靠撥計作扛幫視客商爲奇貨借煙花爲釣餌以博奕作因緣挪東掩西

指鹿爲馬抽幫換底以羊易牛包攬生涯把持行市虧累
既入賠墊無從設法監追徒成畫餅種仁情弊言之惻然
本縣寒士出身洞知情偽當茲下車伊始理宜肅清行鋪
深念爾等客民遠來貿易資本無多父母妻兒嗷待哺
蠅頭取利那能不計錙銖馬磨謀生只恐難圖朝夕爲此
出示勸諭爾行鋪人等買賣務要公平規條總須畫一勿
私販違禁之物勿破壞公定之評毋飾詐以售奸毋見利
而忘義毋率前而補後卅利己以損人毋馳慕虛名而自
貽害毋空爭閒氣而陰耗家貲但須按部就班不在奇

謀巧算樽節用度安貼經營結夥須用老成生財自有大
道毋累客商而自充囊橐毋犯官法而自辱身名自諭之
後但宜各安生理各守本分本縣清廉自矢公恕存心凡
署內上房公用及家丁人等一切所需概行照價現給並
不賒貸倘有胥役等藉端勒索及市井無賴之徒酗酒撒
潑使氣行兇許爾等立時扭稟憲法懲治決不姑寬使貽
害我商民也特示

勸諭胥役示

照得胥役之設所以備差遣而供奔走也役之多少視缺
之繁簡例有額數給與工食銀兩使不至枵腹從事藉端
擾民抑且嚴其流品一身充役三代不准考試捐職俾不
得與齊民並列其意至深遠也查賦役全書慈利本稱簡
缺經制差役無多皂隸拾陸名馬快八名民壯五十名禁
卒八名除此以外掛名當差謂之白役其人每數倍於正
差既無工食之費多屬無賴之民狗苟營蠅狼貪鼠竊奉
差頭爲指使假牌票作神符官府罕識其名鄉民畏見其

面串通地棍勒詐盜竊安鎖妄拿私押私放身受刑而不
惜役已革而仍充魍魎成群鳴鴉肆毒良心盡死廉耻全
無本縣目擊情傷不勝痛恨志在除奸剔蠹務期獎絕風
清泰居父母之官當盡保民之職倘任爾等肆行舞榭魚
肉鄉民是何異縱千百之虎狼自攫食其子孫稍有人心
猶且不忍本縣尙何面目視居人上也然本縣立法雖嚴
存心最恕細思爾等生長斯土皆我子民原非化外之人
何忍異類相視故不憚再三勸化大發慈悲爾等各各父
母各有妻兒各有身家各有性命各有宗族各有姻親各

有鄉鄰各有朋友同居父母之邦共全桑梓之誼假使爾爲百姓忽被差役之毒害使爾之父母受驚妻孥遭辱身家蕩散性命危亡宗族爲之擔憂鄉鄰爲之抱憤端親爲之拖累朋友爲之牽連爾等處此情何以堪且爾等及身雖爲差役亦當念及子孫但管一時造孽則天理必不能容鬼神必不能宥人情洵怒讐敵尤多禍發一朝害貽三族時殊勢失家破人亡鄉黨指爲笑談途途羣然唾罵與思及此能不寒心本縣愛民如子疾惡如讐訪得此地蠹差某上等本應按律懲治以快人心姑念天下無不可教

所性輯遺稿

卷一

之人人無不可改之過暫且隱其罪惡予以自新一面着定舊章除經制差役定數外倘使喚不敷仍於掛名白役中斟酌存留其餘槩從刪汰使歸田畝仍爲安分之良民則公門少一蠹役即聊間多一農夫既可贖其前愆亦可觀其後効至於現留之役按名列榜張示城鄉內外凡榜上無名混充差役下鄉肆擾者許鄉民緝送稟究並票內原差一體責革爾等當仰體本縣曲成之心無非欲爾等義中取利法內安身利己利人公私兩便想爾等自有天良必不忍負本縣期望之厚意也特示

諮訪紳耆示

爲諮訪紳耆以資吏治事照得一縣之中必有紳士耆老紳士則讀書明理身受 皇恩愛惜身分顧全大體名望可崇德義可尊任挽回風氣之權共化道人心之責得志則澤及天下閉居則表率鄉閭此士林之楷模即縣官之師友也耆老則年高德盛志潔行修閱歷既多事情七悉見微知著居安思危既躁釋而矜平自憂深而慮遠處事則兢兢按部涉世則克己恕人此後進之儀型而鄉黨之法則也本縣東髮受書粗知義理中年遭亂備歷艱辛

所性輯遺稿

卷一

屆此艾期一行作吏智識短淺學問空疎求治有心操刀無術所望搢紳先生鄉間父老不我遐棄惠然肯來念區區求益之誠施媿上 不倦之教或深談義理而洞析毫芒或縱論古今而按切時勢或目擊閭閻之疾苦而剴切指陳或心傷政令之煩苛而從容告語或確見弊端之所在而補救多方或稔知美利之當興而舉行有術人心何由而正風俗何由而敦孝弟何由而興賢才何由而育凶荒若何而有儲水旱若何而無憂善良若何而後安盜賊若何而能弭訟獄務期於衰息械鬪先絕其爭端積儲莫善

於社倉正蒙莫先於義學諸如此類不一而足皆地方必
有之事即官長分內之憂至於四境之內何處多山何處
多水何處險阻何處坦夷何處多稻田何處多麥地何處
出何土宜何地有何古蹟何地當衝何地偏僻何地有何
關津何地有何驛站何地可以通舟何地僅能駕陸何地
有何鎮市何地有何營盤何處戶口繁多何處人烟稀少
何村與何境毗連何鄉與何界接壤諸公生長斯地聞見
必真務期縷析條分不憚披圖作繪置之畫壁如熟視其
情形掛之虛堂如親遊於隴畝蓋縣官膺民社之任紳者

篤桑梓之情各有所難亦各有所易紳耆有保全地方之
意而勢力有所不行者縣官得以施之縣官有整頓地方
之權而耳目有所不到者紳耆得以告之以其所易濟其
所難相得益彰合同而化況本縣下車伊始上下之情未
洽教化之澤未流全賴諸紳士耆老反覆開導懇切申詳
或因其協過之心卽指以自新之路或因其畏法之念卽
開以遷善之門或遇兄弟忿爭則勸之以天性之愛或遇
同宗構訟則諭之以一本之親或待親戚之少恩則勸之
以任卹或處鄉鄰之不睦則示之以古風父子則教其孝

慈婦女則表其貞烈殷實之家勸其種德困窮之士勵其
安貧偶有教唆之人強悍之輩或武斷鄉曲或播弄羣怨
則明斥其奸邪務杜絕其詭索如或冥頑不改怙惡自終
遷怒旁人牽連善類立卽網送到官盡法懲治惟期刁風
屏息古處同登禮讓興行讐凌盡化諸君子轉瞬發軔皆
有霖雨蒼生之寄卽此日居鄉善俗方便宜民佐長吏以
成治功不出家而能教國其福德何可量也本縣虛公納
採實力奉行積極愚忱全無成見諸紳耆等因事來署隨
時接見隆以禮貌待以上賓但須在公言公不得干及私
事倘以不肖之心自待卽以不肖之心待官一語之間人
品盡見本縣婆心佛口冷面鐵腸因人而施儼不可犯惟
諸君子委曲諒之特示

勸端士習示

照得爲治之道在正民風而欲正民風先端士習士習之
 端民風之靈也蓋士子爲四民之首孝弟居百行之先根
 本無虧神明起敬鄉閭視爲軌範後進奉爲儀型一話一
 言必思有典有則一舉一動當念中矩中規家庭之雍睦
 可風祖父之聲名無玷式金式玉如圭如璋誠不愧爲儒
 林洵有光於學校尊之曰士誰謂不然然而人心不古教
 澤漸湮士習既衰癸倫攸斂嘗見鄉里之間每多不自愛
 惜之士刻薄起於閨門猜嫌生於骨肉毀防敗檢既顯背

所性評遺稿

十 半園書屋

夫聖賢師許欺愚且明施其伎倆或混淆黑白而妄肆譏
 評或顛倒雌黃而恣行污蔑或浪謗豁達而決棄廉隅或
 自許風流而沈迷酒色或勾聯惡少而遊蕩狎斜或杜撰
 淫詞而毀謗貞烈或隱懷宿恨而挾人之陰私或公挾私
 仇而敗人之名節或拔援黨類而朋比爲奸或假借輿評
 而擠排作祟寡廉鮮耻喪心病狂波靡成風千里一轍此
 士林中之蠹賊而名教中之罪人也爾多士等試返已自
 思鄉民果何負於爾士自束髮受書以至成立父母無不
 刻已望爾親朋無不人人敬爾爾讀書發蹟一門賴爾

所性評遺稿

十一 半園書屋

賴爾光榮謂爾學古入官九族賴爾周濟幸而身列宮牆
 名登科甲則交遊爲之慶賀宗黨爲之歡欣道路喜見其
 面顏婦孺樂稱其姓字歲時燕會則羣待以上賓酬酢往
 來則共尊以隆禮或因求名遠出質祭產以助川資或因
 作宦遨遊飲會資而甲賀悃即使東野命窮虞翻骨寒青
 袍一領白屋半生假筆未作生涯藉硯田爲活計禮耕義
 種歲已逢年矩步規行人已取法子弟賴其培植風教賴
 以扶持一時敬若神明諸生仰如山斗人之待士如此其
 重士之自待何可自輕况夫窮鄉僻壤之民椎魯顛蒙之
 士混沌未破詐僞未開不識不知無雕無琢或率車服賈
 而洗腆承歡或鑿井耕田而雞豚致養足跡罕遊城市安
 居卽是義皇與物無爭與人無忤一旦見爾等之所爲種
 種背謬不守卧碑不畏王法不顧清議不愛身名則曰彼
 讀書者尙且如是何況我等不讀之人耶於是相率效尤
 合同而化忠信掃地禮教沉淪一門多詬誶之聲同室競
 操戈之慘弱者肉而強者食貧斯濫而富斯淫訟獄繁興
 盜賊肆起輦凌大作公道奚存民風之不競謂非爾等爲
 士者階之厲耶本縣生長田間出身寒士以耕桑爲世業

以節儉爲家風以禮義爲藩籬以忠孝爲基址存心則誠實爲先待物則寬恕是尙立身則細行必謹交友則擇善必嚴寧受迂闊之名不博通方之譽寧守尋常之轍不爭要路之津讀書則身體力行不敢空言了事爲文則準情酌理不敢率意操觚常存畏影之心不破懷刑之戒居鄉則恭敬父老在家則勤課兒孫屏跡公門逃名官府自爲諸生二十年以至今日每兢亡以中途失節爲戒末路敗轍爲憂跼踖腳根硬豎脊骨當此下車伊始不惜苦口陳詞現身設法願與爾多士共爲君子共挽頹風振拔儒林

所性軒遺稿

三 二 閣書屋

作與土氣盡掃邪淫之習直登大雅之堂羣沐浴乎詩書各砥礪乎風節家絃戶誦居然鄒魯之邦經明行修不負庠序之教人文從此蔚起豪傑從此奮興甲第蟬聯科名鵲噪誰謂士習之端不足以開文名之治也爾多士勉旃毋忽

勸家丁論單稿

諭陶署家丁知悉照得縣令稱父母之官有司實親民之吏公私填委案牘繁多責任匪輕關係尤重內則藉資於幕及外則分役於家丁各有攸司贊成吏治是家丁固屬縣官所必不可缺少之人尤爲縣官所必不可輕用之人也蓋爾等散處五方素無一面各投薦主之書暫托長官之字金沙雜出良楮紛縹綜而論之其老成穩練忠厚樸實者固多而少年浮躁跋扈蒼獍者不少加以公門之積習相沿官府之性情各別供指臂者非一人何顏色者非

所性軒遺稿

半園書屋

一日揣摩既久奸偽叢生或顛倒以炫其聰明或委曲以投其嗜好官性疎懶則勤以省事爲高官性威嚴則諷以風厲是尙官崇渾厚則遇事佐以含糊官喜精明則隨時導以苛察官嫌狡詐則貌爲拙誠官惡奢華則詭爲儉樸官矜小惠則爲之照嫗以行私官好虛名則爲之鋪張而揚厲或乘公事之冗忙以投其伎或嘲薄書之急迫以售其奸或因其喜怒之偏而陰爲袒護或趁其神思之倦而暗使機關或串通婪贓之吏胥以恣蠶食或結交健訟之紳士以騁狼吞見事生風措官詭騙靠衙門爲利藪恃鬼

清代詩文集彙編

一〇

賦作生涯究之孽海既深回頭即敗貪囊雖滿轉眼成空
或沉迷博酒之場或飄蕩煙花之裡或顯耀王法或陰受
冥誅果報彰々毫髮不爽本縣弱冠讀書勤求吏治艾期
作令洞悉人情嘗念切乎愛民每心懷乎潔已法行自近
先誠左右之人令下如流始自跟隨之輩但爾等離家遠
來予身戾止隨官餬口効力營生上有父母之資下有妻
孥之累身家仰賴豈能赤手從公義利相權只要素心自
矢苟非事外之索都稱分內之財既不拂乎人情亦何傷
乎天理爲此奉勸爾等當曲體本縣愛民之心毋輕蹈官

所性軒遺稿

一一 半園書屋

場舞弊之習各遵循乎矩規共振刷其精神勿放肆以犯
科條勿懈怠以廢公事勿扶同徇隱而表裏爲奸勿相率
效尤而後先一轍勿輕受房差之餽勿假托官長之名勿
險越關防而致滋物議勿勾通內外而競起刁風本縣志
在興利除害務期弊絕風清並非於爾等任意苛求何妨
向公門各行方便况爾等中亦有讀書明理之人不無謹
身自愛之士但能以不貪爲寶則錙銖所積自得心理之
安果然以惜福爲心則節儉所留更延子孫之澤既公私
之兩獲亦名利之兼收本縣與爾等義切同舟情難隔膜

冷淚熱腸婆心苦口自諭之後勿以予言爲迂濶回心向
上共作好人勵志修行共成福果其功德豈有量哉本縣
於此有深望焉其各凜遵毋違此諭

所性軒遺稿

一二 半園書屋

諭書吏示

諭各坊書吏知悉照得書吏之設所以佐縣官而成吏治也考成周之世則六官之屬各有府史若而人漢魏以來郡縣守令皆得自置諸曹掾史其人必讀書明理品行端方公事諳練者始充其選故當時吏治蒸蒸日上而公卿宰相亦多從此出身誠重之也 本朝例設各縣書吏卽由縣官考選期滿例得考職授官與正途一體陞遷不限資格故二百年來由吏員起家以次擢至大位者比比皆是我 國家所以待書吏抑何其隆且厚也蓋縣令一

所性軒遺稿

半園書屋

官比百里之侯綜六部之職事繁責重關係匪輕故書辦之設分別六房各覓其職各治其事以佐縣令之所不及夫縣令予身遠來人地素不相習一旦躬臨案務身坐堂皇既民情土俗之未諳亦舊例新章之未悉操刀猝試把鼻全無若書吏則生長故土見聞必真承襲前人講求有素所謂以本地之人辦本地之事駕輕就熟易如反手者此也然而官有去來吏無更換更得其人則衆善俱舉吏非其選則百弊叢生蟠踞既深根牢蒂固揣摩既熟鬼役神通刪改供詞捺擱公事潛窺長官之意向秀開曲逕之

黃緣賄賂公行怨聲載道線索在手操縱隨心弄墨舞文瞞官賣法種種弊竇言之痛心本縣人因諸生識透情偽晚年作令志切除奸念爾等讀書未就權托公門既會身列士林自當心存天理毋勾通臺役而狐鼠成羣毋朋比劣紳而豺狼當道毋因囑托而巧說奸民毋挾私讐而陰戕善類毋稽延詞訟而緩送審單毋欺詐鄉愚而輕填牌票蓋爾等既生在父母之邦宜曲全桑梓之誼倘遇姻親構訟當思委曲周全如逢宗族忿爭卽便殷勤勸解切勿自相魚肉輕添火上之油且莫暗使機關妄作生前之孽

所性軒遺稿

半園書屋

語云公門中好修行爾等但當勤行方便廣積陰功常懷向上之心勿情前修之路本縣念爾等謹身奉職夙夜在公既無工食之煩兼有室家之累凡一切紙張飯食諸費悉照舊章未便裁革又念爾等流品本與胥役不同不徒惜爾身名亦且隆爾禮貌匪特厚爾恩愛亦且待爾血誠爾等當自顧其面顏常曲存其廉耻毋知法以犯法毋在公而誤公本縣先教後誅恩威並用斷不能爲爾等曲爲寬宥也此諭

訪拿地棍訟師示

照得訟獄之興地棍訟師爲之也四鄉之地必有無業之民不讀之輩游惰成風刁頑成性舊爲機械慣設網羅嚇詐營生貪婪度日含沙射影遇事生風三五成羣擇人而食指曲爲直弄假成真挑撥爭端釀成禍水如此者謂之地棍縣城之內必有輕薄書生貪劣紳士粗知弄筆略解行文滅理亂倫傷風敗俗奸邪結黨正士爲讐匿跡城隅潛跡市肆或假醫卜爲媒或借訓蒙作引朝眠烟館夜宿娼門出入私衙鑽穿狗竇賣弄刀筆描畫雞公憑一紙之

所性軒道清

半園書屋

虛詞造彌天之大謊善其受其荼毒鄉愚奉若神明起禍栽殃傾家敗產如此者謂之訟師夫地棍但能起訟而不能包訟則操縱起滅不得不仰賴於訟師訟師雖能掌案不能撈案則驅逐搜尋不得不勾通於地棍地棍靠訟師爲謀主訟師恃地棍作扛幫兩者相得益彰一時台同而化蓋訟之所起多在於細微或因錢財口角而競起爭端或因酒食嬉遊而致開釁隙或尊卑小有凌犯或債欠畧有拖延或買賣而契券未清或田山而界址未斷或過繼爭產而共起貪謀或放水溉田而隨同樹鬪不過一時小

忿並非宿世深仇况同鄉共井兼以宗親結好聯姻居然世請果有見機之族長識事之鄉鄰公道之交遊小心之親戚平情解勸遇便調停盡化夙嫌無傷前好不爭餓氣不賈閑錢不結冤讐不招耻辱惟我百姓何便如之然而鄉愚無知聽人播弄地棍從中慫恿訟師隨後把持表裏爲奸扶同作祟兩造都成傀儡千金盡擲泥沙賄賂吏胥賈通鄰佑夥告夥證私押私拿不論情理之有無但憑囊裏之饑飽空中下網忽生白肉疔瘡暗裡埋椿價種烏頭膏藥任情驅騙恣意挑唆甚或原被之黨類彼此交通控

所性軒道清

半園書屋

訴之呈詞後先一手筆雙管而齊下刀兩向以平施但須移步換形儘許搭臺做案守批候審動輒經年酒費盤纏無非揭債官府未見一面家產已去半邊到此始悟前非方思息訟而地棍裝之圈內訟師握之掌中養成鷸蚌之形做出騎虎之勢欲和不得欲罷不能輸贏未必可知收放不能自主一口之氣未吐萬金之產成灰爾小民何愚昧至此極也至於輕生圖騙謀財害命移屍坑陷以及奸盜詐偽誣告越訴等情皆爾地棍訟師等包攬一切百計株連流毒平民爲禍最酷迨至水落石出而身家全破碎

矣本縣欲絕訟源先除禍本訪得此地近年以來訟獄繁興皆由兩地棍訟師某某等通同舞弊肆爲民害早已按名登摺預備查拿嚴加究治姑念下車伊始不忍不教而誅爲此先行出示曉諭爾等當用純灰十斛痛洗肺腸屏跡鐫聲閉門改過消彌天之罪惡發一念之天良種種不肖之行譬之昨日死而今日生一刀斬斷孽根不復沾皮帶骨舍迷就覺如夢初醒本縣寬恕待人不念舊惡姑且隱匿姓名免厥深究如其懲不畏死怙惡自終輕視長官蔑棄王法則是冥頑不靈斷絕生路國典之所不宥卽

所性軒遺稿

三二 三國書局

天理之所不容雖

皇恩浩蕩格外施仁亦不能爲爾等開一面之網也特示

博探輿評示

爲博探輿評事照得縣令實親民之官本以通下情爲急故百姓稱官爲父母官呼百姓爲子民其勢隔其情通也夫父母愛子自始生而乳哺之顧復之襁褓之子不能言父母則伺其啼笑而知其飢飽撫其肌肉而知其溫涼察其顏色而知其疾苦稍長則又爲之提攜爲之飲食爲之教誨爲之婚娶以至於成人子未嘗一一明揭其意以告於父母而父母無不委曲周至以遂其意者誠發於其情之所不容已也推而至於縣官固儼然一縣之父母舉一

所性軒遺稿

一 三國書局

縣之老幼男女疲弊殘疾皆在其懷抱之中爲縣官者受朝廷牧民之寄體上憲委任之心正當顧名思義朝諮夕訪視小民之邪寒暑雨如親聞其怨咨念百姓之困苦流離如親觀其情狀婦人孺子皆得進言其情野老耕夫咸樂盡輸其隱民心不隔民志常通痛癢攸關血脉胥貫如此而謂之父母誠哉民之父母也然而官欲親民而民常疎於官民欲近官而官常遠於民者此無他家丁胥吏爲之扞格也夫家丁挾官爲孤注常不欲官之親民胥吏靠官作生涯常不欲民之近官上坐堂皇則大作其威福

官行鄉里則羣張其爪牙遂至堂階三尺深若九重縣境四隅遐如萬里耳不聞愁嘆之聲目不見饑寒之色官視民如草芥民視官若閻羅抱痛誰憐合冤誰訴與思及此中夜涕零本縣下車伊始博採輿評嚴束家丁謹防胥吏掃除壅遏之弊曲通上下之情細思爾等子民業守耕桑家居隴畝足跡罕來城市交遊不出鄉隅與人何忤與物何爭然而風俗日嬗人心不古或因錢財細故而競起爭端或因口角微嫌而釀成禍水奸民爲之播弄訟棍爲之持把匍匐公門拖延歲月荒本業而廢田功較輸贏而爭

所任軒道稿

半園書屋

閉氣加以差役下鄉如狼似虎妻孥擔嚇雞犬吃驚蕩敗家貲橫遭折辱嗟臍何及補過無由更有一等愚民恃強使氣遇事忿爭糾衆成羣乘機械鬪一朝不忍兩敗俱傷抑或者懷恨未伸殺機暗起圖財未得毒手先施否則需索無因忽尋短計猜嫌有素輕擲微生始欲陷人終於害己種種惡習言之痛心本縣訪聞此地近年以來俗尚刁蠻人多健訟公庭如市案牘成山總由無生業之莠民不自愛之紳士含沙射影見事生風擺定機關裝成圈套鄉愚寡識誤入牢籠王法無情難逃律網本縣忝居父母

之職念爾等皆我子民不忍不教而誅惟期改過遷善果能翻然悔悟即稱父母之育子不愧盛世之良民祖宗與有榮施子孫奉爲家法鄉閭爲之起敬官長爲之改容惟我子民何憚而不爲也爲此剴切勸諭自今以後本縣與爾等相約城鄉內外凡我四民各安生業各守本分各敦宗族婚姻之好各推鄉黨故舊之情毋飾詐以欺愚毋恃強而凌弱爾民中倘有不自之冤難言之隱暨一切瑣屑委曲之故不妨盡情以相告何地之士風最善何方之民俗獨敦何鄉之農事皆修何處之荒田盡墾何村多盜

所任軒道稿

半園書屋

賊之害何堡多水旱之災誰爲閭里之善長誰爲士林之敗類誰爲烈女貞婦誰爲孝子順孫橋道何處當修陂塘何地宜築義學曾否有無社倉曾否修廢何利當興而未興何弊當革而未革胥吏之最壞何人訟師之窮究誰氏小民之積困何在官衙之陋習何存本縣以實心而行實政並非徒托空言爾紳士中果有品行端方學問淹貫而復留心民瘼者生長斯土見聞必真剴切敷陳洞中窺察本縣當虛心採擇奉以爲師斟酌時宜權衡次第實力舉行有前無却其餘一知半解苟有益於地方無不隨事節